



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-347-3/26**
Datum: **20.07.2026. godine**

„Agencija za vodno područje rijeke Save“ Sarajevo rješavajući po zahtjevu investitora „MELTAL“ d.o.o. Sarajevo, za donošenje rješenja o vodnoj dozvoli za ispuštanje oborinskih onečišćenih voda sa lokacije poslovnog kompleksa za reciklažu metalnih i nemetalnih sirovina, izgrađenog u ulici Bosanski put 215, općina Ilijaš, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „MELTAL“ d.o.o. Sarajevo daje se vodna dozvola za ispuštanje oborinskih onečišćenih voda u prirodni recipijent sa lokacije poslovnog kompleksa za reciklažu metalnih i nemetalnih sirovina, izgrađenog u ulici Bosanski put 215, na zemljištu označenom kao k.č. broj: 203/6, 204/30, 204/31 i 254/1 K.O. Ilijaš Grad, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod sljedećim uslovima:
 - 3.1. Da pravno lice „MELTAL“ d.o.o. Sarajevo obezbijedi da se sistem za prikupljanje, prečišćavanje i ispuštanje otpadnih voda sa lokacije poslovnog kompleksa za otkup, reciklažu sekundarnih sirovina sa pratećim sadržajima, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa saobraćajnih i manipulativnih površina zajedno sa oborinskim otpadnim vodama nastalim na otvorenim platoima - lagerima namijenjenim za prihvatanje, skladištenje i primarnu preradu sekundarnih sirovina nesmetano prikupljaju sistemom slivnih rešetki i kanalizacione mreže, te odvođe do uređaja za prečišćavanje onečišćenih voda – separatora ulja i masti, a zatim ispuštaju u recipijent – kanalizacioni kolektor čiji je krajnji recipijent rijeka Bosna.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih otpadnih voda, a prije ispuštanja u recipijent, zadovoljio granične vrijednosti u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 3.5. Čišćenje separatora, taložnika i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju i arhivu.
 - 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njihove obale.

- 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.9. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „MELTAL“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta bilo kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima poslovnog kompleksa za otkup, preradu i prodaju sekundarnih sirovina sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.
11. Prije isteka važenja ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „MELTAL“ d.o.o. Sarajevo, zahtjevom bez broja od 14.07.2026. godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije poslovnog kompleksa za reciklažu metalnih i nemetalnih sirovina, izgrađenog u ulici Bosanski put 215, na zemljištu označenom kao k.č. broj: 203/6, 204/30, 204/31 i 254/1 K.O. Ilijaš Grad, općina Ilijaš.

U provedenom postupku dostavljena je i pregledana sljedeća dokumentacija:

- Kopija rješenja o vodnoj dozvoli broj: UP-I/25-3-40-232-3/21 od 23.07.2021. godine izdatog od strane Agencije za vodno područje rijeke Save Sarajevo;
- Ovjerena kopija Aktuelnog izvoda iz sudskog registra broj: 065-0-RegZ-26-007110 od 01.06.2026. godine izdat od strane Općinskog suda u Sarajevu;
- Kopija Rješenja o odobrenju za građenje, broj: 03-23-3105/06 od 07.03.2007. godine izdatog od strane Službe za prostorno uređenje i stambeno-komunalne poslove Općina Ilijaš;
- Kopija Rješenja o odobrenju za upotrebu broj: 05-23-204/08 od 13.10.2008. godine izdatog od strane Službe za prostorno uređenje i stambeno - komunalne poslove općine Ilijaš;
- Ovjerena kopija Uvjerjenja o poreznoj registraciji donesenog od strane Porezne uprave - Kantonalni ured Sarajevo, dana 25.06.2004. godine;
- Kopija Operativnog plana za slučaj insidentnih zagađenja na vodama i obalnom vodnom zemljištu izrađenog od strane „TQM“ d.o.o. Lukavac, novembar 2023. godine;
- Izvještaj o monitoringu kvaliteta i kvantiteta otpadnih voda broj: 763/25, juni 2026. godine urađen od strane „Inspekt RGH“ d.o.o. Sarajevo;
- Projekat izvedenog stanja-hidroinstalacije i vanjsko uređenje, urađen od strane pravnog lica „Širbegović“ d.o.o. Gračanica, oktobar 2006. godine, (izvršen uvid prilikom uviđaja);
- Kopija radnog naloga i fakture za čišćenje separatora;
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-347-2/26 od 17.07.2026. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Kompleks za skladištenje, obradu i promet sekundarnih sirovina smješten je na lokalitetu industrijske zone u ulici Bosanski put 215, općina Ilijaš.

Osnovna djelatnost kompanije je reciklaža metalnog otpada a sastoji se od: dopreme i prihvata sekundarnih sirovina, razdvajanje, tretman, privremeno uskladištenje i transport do krajnjeg kupca. Kapacitet proizvodnje je oko 5.000 tona/god.

Kompleks se sastoji od sljedećih objekata: upravna zgrada, nadkriveno skladište, otvoreni prostor za tretman i skladištenje, otvoreni prostor za manipulaciju i skladištenje sa boksovima te druge manipulativne i saobraćajne površine.

Na predmetnoj lokaciji se vrši otkup obojenih metala (aluminij, bakar i legiran metalni otpad i ostalo). Sve radne, manipulativne i saobraćajne površine su uređene i asfaltirane sa riješenim sistemom odvodnje otpadnih voda.

Oborinske vode sa radnih i manipulativnih površina se sakupljaju posebnim sistemom kanalizacije i odvođe do tipskog separatora ulja i masti. Prečišćena voda se upušta u lokalni kanalizacioni kolektor koji prolazi kroz predmetnu lokaciju, a čiji ispust je izveden u rijeku Bosnu.

Na predmetnoj lokaciji nema skladištenja nafte i naftnih derivata.

Otpad koji se tretira na predmetnoj lokaciji se u skladu sa posebnim ugovorima ustupa na daljne korištenje trećim licima. Prilikom uviđaja utvrđeno je da podnosilac zahtjeva održava objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) te ispunjava i druge uslove date vodnom dozvolom.

Zbrinjavanje opasnog otpada se vrši od strane ovlaštene firme.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, članova 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja propisana je obaveza u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opštih i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „MELTAL“ d.o.o. Sarajevo ispunio minimum uslova za izdavanje vodne dozvole za ispuštanje oborinskih onečišćenih voda sa lokacije poslovnog kompleksa za reciklažu metalnih i nemetalnih sirovina, izgrađenog u ulici Bosanski put 215, na zemljištu označenom kao k.č. broj: 203/6, 204/30, 204/31 i 254/1 K.O. Ilijaš Grad, općina Ilijaš, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Munir Trako, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- „MELTAL“ d.o.o. Sarajevo, Bosanski put 215, 71 380 Ilijaš
- ⓪ AVP Sava, ISV - vodna knjiga
- Sektor 50
- Sektor 40 - arhiva
- Oglasna tabla AVP Sava Sarajevo